

II

(Gníomhartha neamhreachtacha)

RIALACHÁIN

RIALACHÁN CUR CHUN FEIDHME (AE) 2022/739 ÓN gCOIMISIÚN

an 13 Bealtaine 2022

lena leasaítear Rialachán Cur Chun Feidhme (AE) 2020/761 a mhéid a bhaineann le bainistiú taraif-chuótaí áirithe chun éanlaith chlóis a allmhairiú agus taraif-chuótaí chun púdair bainne a onnmhairiú chuig an bPoblacht Dhoiminiceach

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1308/2013 ó Pharlaimint na hEorpa agus ón gComhairle an 17 Nollaig 2013 lena mbunaítear comheagraíocht na margaí i dtáirgí talmhaíochta agus lena n-aisghairtear Rialachán (CEE) Uimh. 922/72, (CEE) Uimh. 234/79, (CE) Uimh. 1037/2001, agus (CE) Uimh. 1234/2007 ⁽¹⁾ ón gComhairle, agus go háirithe Airteagal 187, an chéad mhír, pointe (a) agus pointe (b) de,

De bharr an mhéid seo a leanas:

- (1) Le Rialachán Cur Chun Feidhme (AE) 2020/761 ón gCoimisiún ⁽²⁾, leagtar síos na rialacha maidir le bainistiú na dtaraif-chuótaí ar allmhairí agus onnmhairí, maidir le táirgí talmhaíochta a bhainistítear le córas ceadúnas allmhairiúcháin agus onnmhairiúcháin, osclaítear taraif-chuótaí ar allmhairí agus onnmhairí le haghaidh táirgí talmhaíochta sonracha agus déantar foráil maidir le rialacha sonracha chun na taraif-chuótaí sin a riar.
- (2) Le hAirteagal 55 de Rialachán Cur Chun Feidhme (AE) 2020/761, osclaítear taraif-chuóta le haghaidh onnmhairí púdair bainne de thionscnamh Aontais go dtí an Phoblacht Dhoiminiceach. Osclaítear an cuóta i gcás na dtáirgí go léir a thagann faoi chóid AC 0402 10, 0402 21 agus 0402 29.
- (3) Faoi láthair, cumhdaítear 13 chód AC leis an gcuóta onnmhairiúcháin sin. Dá bhrí sin, d'fhonn na honnmhairí púdair bainne sin chuig an bPoblacht Dhoiminiceach a éascú, ba cheart an ceadúnas onnmhairiúcháin a bheith bailí i gcás na dtáirgí uile a thagann faoi réim na gcód AC a chumhdaítear leis an gcuóta sin beag beann ar na cóid AC a luaitear go sainráite san iarratas.
- (4) Le Rialachán Tarmligthe (AE) 2020/760 ⁽³⁾ ón gCoimisiún, déantar forlíonadh ar Rialachán (AE) Uimh. 1308/2013 a mhéid a bhaineann leis na rialacha maidir le riar na dtaraif-chuótaí ar allmhairí agus ar onnmhairí faoi réir ceadúnas.
- (5) Le hAirteagal 9(6) de Rialachán Tarmligthe (AE) 2020/760, i gcás na ngrúpaí taraif-chuótaí atá faoi sraithuimhreacha 09.4211, 09.4212, 09.4213 agus 09.4290, foráiltear go ndéanfar an chainníocht tagartha a ríomh trí chainníochtaí na dtáirgí a scaoiltear i saorchúrsaíocht san Aontas a charnadh, ar cainníochtaí iad a thagann laistigh de gach ceann de shraithuimhreacha chuóta an ghrúpa.

⁽¹⁾ IO L 347, 20.12.2013, lch. 671.

⁽²⁾ Rialachán Cur Chun Feidhme (AE) 2020/761 ón gCoimisiún an 17 Nollaig 2019 lena leagtar síos rialacha maidir le cur i bhfeidhm Rialachán (AE) Uimh. 1306/2013, (AE) Uimh. 1308/2013 agus (AE) Uimh. 510/2014 ó Pharlaimint na hEorpa agus ón gComhairle a mhéid a bhaineann le córas bainistíochta na dtaraif-chuótaí le ceadúnais (IO L 185, 12.6.2020, lch. 24).

⁽³⁾ Le Rialachán Tarmligthe (AE) 2020/760 ón gCoimisiún an 17 Nollaig 2019 lena bhforlíontar Rialachán (AE) Uimh. 1308/2013 ó Pharlaimint na hEorpa agus ón gComhairle a mhéid a bhaineann leis na rialacha i dtaca le riar taraif-chuótaí ar allmhairí agus onnmhairí atá faoi réir ceadúnas agus lena bhforlíontar Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann le hurrúis a thaisceadh i riar taraif-chuótaí (IO L 185, 12.6.2020, lch. 1).

- (6) In Iarscríbhinn XII a ghabhann le Rialachán Cur Chun Feidhme (AE) 2020/761, roinntear na tréimhsí cuóta le haghaidh taraif-chuóta faoi shraithuimhreacha 09.4211 agus 09.4212 i bhfothréimhsí agus níl na tréimhsí cuóta le haghaidh cuótaí taraife faoi shraithuimhir 09.4213 agus 09.4290, rud a fhágann ríomh na cainníochta tagartha thar a bheith casta.
- (7) Ar mhaithe le ríomh na cainníochta tagartha a shimpliú, is iomchuí na tréimhsí cuóta le haghaidh sraithuimhreacha 09.4213 agus 09.4290 a roinnt sna fothréimhsí céanna leis na fothréimhsí a leagtar síos le haghaidh sraithuimhreacha 09.4211 agus 09.4212.
- (8) Dá bhrí sin, ba cheart Rialachán Cur Chun Feidhme (AE) 2020/761 a leasú dá réir.
- (9) Tá na bearta dá bhforáiltear sa Rialachán seo i gcomhréir le tuairim an Choiste um Chomheagrú na Margaí Talmhaíochta,

TAR ÉIS AN RIALACHÁN SEO A GHLACADH:

Airteagal 1

Leasuithe ar Rialachán Cur Chun Feidhme (AE) 2020/761

Leasaítear Rialachán Cur Chun Feidhme (AE) 2020/761 mar a leanas:

- (1) in Airteagal 56(3), cuirtear an méid seo a leanas in ionad phointe (b):

“(b) Sonrófar an méid seo a leanas in alt 20:

‘Rialachán Cur Chun Feidhme (AE) 2020/761

Taraif-chuóta le haghaidh na tréimhse ón 1 Iúil 20... go dtí an 30 Meitheamh 20..., i gcás púdar bainne de réir Aguisín 2 d'Iarscríbhinn III a ghabhann leis an gComhpháirtíocht Eacnamaíoch Comhaontú idir na Stáit CARIFORUM, ar thaobh amháin, agus an Comhphobal Eorpach agus a chuid Ballstát, ar an taobh eile, ar comhaontú a bhfuil a síniú agus a chur i bhfeidhm sealadach formheasta le Cinneadh 2008/805/CE ón gComhairle.

Beidh an ceadúnas onnmhairiúcháin bailí le haghaidh aon cheann de na táirgí a thagann faoi na cóid AC dá dtagraítear in Airteagal 55(2) de Rialachán Cur Chun Feidhme (AE) 2020/761”.

- (2) Leasaítear Iarscríbhinn XII i gcomhréir leis an Iarscríbhinn a ghabhann leis an Rialachán seo.

Airteagal 2

Teacht i bhfeidhm

Tiocfaidh an Rialachán seo i bhfeidhm an seachtú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige maidir leis na tréimhsí taraif-chuóta a thosóidh tar éis theacht i bhfeidhm an Rialacháin seo.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 13 Bealtaine 2022.

Thar ceann an Choimisiúin

An tUachtarán

Ursula VON DER LEYEN

IARSCRÍBHINN

Leasaítear Iarscríbhinn XII a ghabhann le Rialachán Cur Chun Feidhme (AE) 2020/761 mar seo a leanas:

(1) leasaítear an tábla a bhaineann leis na taraif-chuótaí faoin tsraithuimhir 09.4213 mar a leanas:

(a) cuirtear an méid seo a leanas in ionad an ró “Fothréimhsí taraif-chuótaí”:

“Fothréimhsí taraif-chuótaí	Ón 1 Iúil go dtí an 30 Meán Fómhair Ón 1 Deireadh Fómhair go dtí an 31 Nollaig Ón 1 Eanáir go dtí an 31 Márta Ón Aibreán go dtí an 30 Meitheamh
------------------------------------	--

(b) cuirtear an méid seo a leanas in ionad an ró “Cainníocht ina cileagraim”:

“Cainníocht ina cileagraim	368 000 kg, arna roinnt mar a leanas: 30 % le haghaidh na fothréimhse ón 1 Iúil go dtí an 30 Meán Fómhair 30 % le haghaidh na fothréimhse ón 1 Deireadh Fómhair go dtí an 31 Nollaig 20 % le haghaidh na fothréimhse ón 1 Eanáir go dtí an 31 Márta 20 % le haghaidh na fothréimhse ón 1 Aibreán go dtí an 30 Meitheamh
-----------------------------------	---

(2) leasaítear an tábla a bhaineann leis na taraif-chuótaí faoin tsraithuimhir 09.4290 mar a leanas:

(a) cuirtear an méid seo a leanas in ionad an ró “Fothréimhsí taraif-chuótaí”:

“Fothréimhsí taraif-chuótaí	Ón 1 Iúil go dtí an 30 Meán Fómhair Ón 1 Deireadh Fómhair go dtí an 31 Nollaig Ón 1 Eanáir go dtí an 31 Márta Ón Aibreán go dtí an 30 Meitheamh
------------------------------------	--

(b) cuirtear an méid seo a leanas in ionad an ró “Cainníocht ina cileagraim”:

“Cainníocht ina cileagraim	456 000 kg, arna roinnt mar a leanas: 30 % le haghaidh na fothréimhse ón 1 Iúil go dtí an 30 Meán Fómhair 30 % le haghaidh na fothréimhse ón 1 Deireadh Fómhair go dtí an 31 Nollaig 20 % le haghaidh na fothréimhse ón 1 Eanáir go dtí an 31 Márta 20 % le haghaidh na fothréimhse ón 1 Aibreán go dtí an 30 Meitheamh
-----------------------------------	---